




Plata dla Ploania Antermëia Sant'Antone Abat

UNITÉ PASTORALA



Ploian: siur Paul Campej

Calonia: 0474/520012

E-mail: campei.paul@rolmail.net

Siur Paul: 380 7345533

VAL BADIA

www.unitepastorala.org

Ann A

**05.04.2020 - 12.04.2020 - domënia dal orí | FESTA
DAL INGRES DE GEJÚ A IERÚSALEM**

n. 19

Le Re dla pêsc

Mt 21, 1–11 | Is 50, 4–7 | Fil 2, 6–11 | Mt 26, 14 – 27, 66

Dal Vangele do San Mateo:

¹Canche Gejù ê rové cun sü acompagnadus nia dalunc da Ierusalem a Bèttaghe söla Munt dl Orì, àl ortié dui discepui danfora ²y ti à dit: Jide tl paîsc che é dan os; dailò ciarëise na müscia tacada y n polorin laprò. Destachédela, y condejedemla! ³Y sce zacai ess da ves dì val', spo respognede: Le Signur l'adora, al la lascia defata condüje derevers. ⁴Chësc é sozedü por ch'al s'adempliss éi che é gnü dit tres le profet: ⁵Dijedi ala fia de Sionn: Óiara, to re vëgn da tè. Al ô la pêsc, y al raita sön na müscia y n polorin, söl polorin de n tier da port. ⁶I discepui é jüs y à fat éi che le Signur ti à dè sö. ⁷Ai à condüt la müscia y le polorin, à metü sü guané sön chisc y spo s'al sentè lassura. ⁸Tröpa jënt destenô sü guané ia por strada, d'atri taiâ jö rames dai lëgn y les sternô ia por tru. ⁹La jënt, che jô danfora y che ti gnô do, scraiâ: Osanna al Fi de Davide! Benedì sides ël, che vëgn tl inom dl Signur. Osanna tl plü alt dl cil!

...



Atlamaziun

DLA DOMËNIA

Lalt a té, oh Crist, re de gloria eterna! R Crist s'à fat olghënt cina ala mort, cina ala mort söla crusc. Porchël l'à Idî inalzè sura düc y ti à dè n inom che é maiù co düc i atri inoms.

Letöres dla GRAN FESTA DE PASCA:

St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

Informaziuns y terminns

Comunicaziuns dala diozeja (ciche reverda i fedei)

La Carsema nes condüj devers Pasca. Sciöche chisc dis sarà ince les funziuns dl'Edema Santa y de Pasca te dlijies sarades. I fedei dess se abiné a ciasa sciöche comunité familiara o ince da susc a perié unis cun döta la Dlijia. Por chestes funziuns a ciasa vegnel metü sussidi (Vorlagen) a disposiziun, che an po se descarié dala Homepage dla diozeja (www.bz-bx.net). Implü pon ince seguí la liturgia tres i media; o tres l'ascoltant dala ploania (Kirchensender) o de na ploania vijina, o dla diozeja, o de val ater trasmitent. Chestes trasmisciuns mess ester „in diretta“ y nia copies. Vigni prou dess ma zelebrè öna na funziun, bunamenter al post, olache al abiteia.

Les ciampanes sona por 10 menüic dan la funziun:

en Jöbia Santa dales 18.00, en Sabeda Santa dales 22.00 y en Pasca dales 12.00.

Ares incünda la colm dl'ann liturgich y nes liëia tla oraziun cun Geju Crist.

La liturgia de **Domenia dal orí** dess ester esclusivamenter te dlijia. *La Mëssa dla Domënia dal Orí dales 9.00 zelebrada dal vësko é da aldí por radio Sacra Familia (= Radio dla Cöra) o Grüne Welle (cun radio digital) o sön internet www.stol.it*

La Messa dl' **Crisam** in Jöbia Santa vegn sburlada a plü tert.

Al post dla adoraziun in **Jöbia Santa** po gni tignida na funziun a ciasa.

La funziun de **Sabeda Santa** vegn tignida esclusivamenter te dlijia. Ara met man cun l'impié la ciandera da Pasca cun l'inn pascal, l'Exultet. Ara va inant cun la liturgia dla parora, la renovaziun dl' bato, y l'Eucaristia.

La festa de Pasca vegn tignida sciöche preodü. *La Mëssa de Pasca col Vësko dales 10.00 é ince da odëi y da aldí tla televijiun y tl radio – Rai Südtirol.*

Ci che reverda les **usanzes** da Pasca: l'urí y les spëises en Pasca po gni benedis tres radio o televijiun, o ince tla funziun de familia. Les dlijies des gni informides do les manieres poscibles, respetan les prescriziuns.

Ivo Muser, Vesco Eugen Runggaldier, vicar general

(la verjiun completa dla lëtra é da ciafè tl "Sonntagsblatt" dla domenia dal urí, plata 4)

Iö oress Ves racomanè de to pert ales funziuns da Pasca tres radio o televijiun. Podëis se informè canche nostes ploanies vijines á sües funziuns söla plata internet: *Valbadia Online – Unité pastorala Val Badia*. Chësc vël sanbëgn ince por döt l'tëmp de virus. Da sëgn inant gnarà metüda na Plata dla cöra tl armé de spidl dan dlijia y **valgügn ejemplars ince te dlijia (dôdí dl' bujëgn)**.



Buna Pasca!

le ploan

Dumënia dal urí

Deach' la situaziun ne se lascia nia festejé in comunité la Domënia dal urí y les Festes da Pasca, unse ciaré de ciagé adalerch l'urí che siur Paul benedësc en domënia tartan la mëssa che al dij a portes stlütës.

Dedo le metunse fora dan dljia olache vignun po gni a sun do, ince ia por l'edema Santa (sanbëgn tignin les regoles - un al iade! La spëнора de buna man po gni metöda tl "Opferstock" a pe de dljia).

Insciö podunse porté n sëgn benedí te nostes ciases y inforní i crisé cun urí frësch.

A düc dër de bunës Festes da Pasca!

L' Consëi de Cöra

La **oferta Misereor** por la jent dala fan (dl Vendres Sanc) vegn spostada a plü tert.

La **consacraziun a prou** dl miscionar Comboni (Milland) Stefano Trevisan da Al Plan y de P. Markus Mur dl Deutschorden sarà nia sciöche preodüda, mo la domenia ai 28 de jügn, dales 15.00 domisdé. (Sonntagsblatt)

COMUN - L'ann passé á l'Comun lascé fá tl cheder de n proiet dal inom "PiccolaGrandeItalia TV" n cört film de ca. 15 menüc sön le Comun de San Martin de Tor che é ince ste da odëi tla televijiun sön canai dla plataforma SKY. Sëgn te chësta perioda de crisa él gnü metü da jí n "Festival dei Borghi d'italia", olache al vëgn cina ai 14 de aurí mostré deplü de chisc documentars, indöt 20, un por regiun, y ala fin ince premie i pröms trëi che plej deplü. Por la Regiun Trentino-Südtirol él gnü chirí fora le film söl Comun de San Martin de Tor, y le film sará da odëi sön internet ai 14.04.2020 al sit <https://forms.gle/d1sYzXDVSMZmRoPD8>. Y da dailó inant po ince vignun dé jö söl medemo sit internet süa usc sciöche le film ti á plajü (y daidé pro a davagné n pest).

Deplü informaziuns pon ince ciagé al

link <https://www.piccolagrandeitalia.tv/blog/festival-dei-piccoli-borghi-ditalia>

Dal 2 d'aurí inant él scrit dant, por ne se taché nia y ne ti taché nia a d'atri le coronavirus, che an mëss se curí la boccia y le nes sc'an vá fora de ciasa cun na sciarpa, o na peza o na mascorina. Al é na prevenziun nezesciara y n sëgn dla responsabilità ch'i nes sun de debit un al ater. Al é na cossa a chëra ch'i ne sun nia ausá mo ch'i messun fá por superé chësta situaziun.

I ofizi dl'aministraziun de comun resta stluc. L'azes por le publich por caji de nezescité y por sorvisc essenziari vëgn conzedü sön prenotaziun por telefon 0474 523125 resp. e-mail info@comun.sanmartindetor.bz.it. I ofizi pó gní contatá ti orars sciöche zënza dales 8.00 - 12.30 y dales 14.00 - 17.30

UNITÉ PASTORALA



Fora dal vangele:

Osanna al Fi de Davíde! - Matî 21, 9

I me arjigni ca ala festa de Pasca:

i me toli dlaurela da tó pert ala liturgia dl'Edema Santa che porta dal tru dla pasciun ala ligrèza dla ressureziun.

FOR FUTURE – por n miú dagní.



Chël Bel Dî nes é daimpró tl pan y tl vin. Deache le pan y le vign vëgn trasformáte na manira misteriosa, é Gejú danter nos.

Jöbia Santa: partí amur



Am Karfreitag ist Tod, ist der Schmerz, ist das Dunkle deutlicher als die Hoffnung. Und doch wissen wir, Gott sei Dank, dass die, die den Karfreitag aushielten; dass die, die dem Toten die Liebe erwiesen haben; dass die, die ihrer Klage Raum gegeben haben – einen strahlenden Ostermorgen erleben durften.

Vëndres sanc: patí amur

Mësses a San Martin

(da aldí tl radio dla cora: ones FM 90.40 Mhz)

Dom dl Orí 9.30

Vigni dé funziun de carsema 19.00

Jöbia Santa 19.00

Vendres Sanc 15.00

Sabeda Santa 20.00

Domenia de Pasca 9.00

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.plazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it